

10

1007

11.6.13


PROPERTY OF THE
PUBLIC LIBRARY OF THE
CITY OF BOSTON,
ESTABLISHED IN THE
YEAR 1848.

Accessions

(37,835)


Shelf No.

7799.99




Received Sept. 2, 1892.

Hallotype Printing Co.



Digitized by the Internet Archive
in 2011 with funding from
Open Knowledge Commons and Harvard Medical School



Dissertatio
de
ANTHRACE
ET
PUSTULA MALIGNA,

quam,


dum summos medicinae honores, in R. S.
Uniuersitate Pestinensi obtineret, concinnauit

Carolus Kraitsir.

Budae

Typis Typographiae Regiae Universitatis Hungaricae.

1829.



De anthrace et pustula maligna.

Inflammatio cutis, textus cellulosi cuti subiecti, atque panniculi adiposi, aut glandulae lymphaticae, vehemens, cum tumore duro, limitato, citissime in gangraenam sphacelumque abiens, *anthrax* vocatur. Cum vero mox in principio vna, aut plures pustulae, similes iis, quae ab ambustione fiunt, excitantur, in vesicam assurgentes, eodem plane exitu, *pustula maligna* adesse dicitur. Malum utrumque, si naturam spectes, omnino idem, habitu solum diversum est.

Morbus admodum periculosus diversa apud auctores nomina sortitus est. *Ἄνθραξ*; carbo, carbunculus, furunculus gangraenosus, s. malignus, abscessus gangraenosus, pustula maligna; *Arab.* pruna, persicus ignis; *ital.* carbunculo, carboncello, carbonchio, crusco, vespajo; *hisp.* carbunculo, lobarillo; *gall.* anthrax, charbon, carbuncle, furoncle malin, absces gangréneux, pustule maligne ou charbonneuse, puce maligne, bouton malin; *angl.* anthrax, carbuncle; *germ.* Karfunkel, Brandbeule. bösartiger Blutschwär, brandige Eitergeschwulst, schwarze Blatter, Brandblatter; *hung.* pokolvar. Cognomentorum tamen non ubique eadem est ratio, cum quidam anthracem a carbunculo differre statuant, ludicra super distinctione hac nominis proferentes, ut mox patebit.

Hominem interdum bene valentem anthrax et pustula maligna inuidit. Loco quópiam cutis externae sentitur pruritus, similis illi, quem insecta pungendo cident, isque haud lenis, ad scabendum incitans. Interdum vero doloris, et ardoris, quasi a pruna, sensus subito adest. Brevi post exsurgit tumor durus, praeruber, limitibus exactis, urens,

extensione semen lentis, palmam manus, imo patinam cibariam quandoque aequans (*A. G. Richter*); cito enim multum extenditur, apice elevato aliquando comparente. Interdum vero supra cutim non elevatur.

In medio plagae phlogistae cito comparet punctum, aut macula, colore cineris, post breve tempus fusca nigraque, manifesto indicio gangraenae incipientis. Ab his principiis incipiens malum, *anthrax* sensu, ut aiunt aliqui, stricto compellatur. Cum vero, paulo post contactum sotnis corporis, pruritu et sensu singulari exiguarum punctionum praeeunte, punctum comparet rubrum, cute vix altius, et pustula una, aut plures per summa cutis, epidermide assurgente, excitantur iis similes, quae ex ambustione sunt, morbus, sensu illo stricto, *carbunculus* dicitur. Initio vesiculae flauum continent liquorem, qui mox liuescit, nigrescitque, et ruptis illis, in crustam conuertitur gangrenosam. Ambitus durus est ac splendens, brevi lividus, margo vesicularum candicans. Circum locum affectum oedematosus tumor quaquaversum celeriter increscit, vesiculis simul ad magnitudinem nucis auellanae auctis. Dolor nullus interdum, nec tensio sentitur. Ablatis scabendo pustulis, ex superficie nuda, ichor quasi per cribrum sudat. In ambitu escharae, gangraena correptae, partes consumuntur, illaque decidua, cernitur ulcerus profundum, depascens. — Posteriori forma praeditus morbus congruo nomine *pustulae malignae*, *nigrae*, etc. rite insignitur, vitata denominatione carbunculi, anthraci penitus homonyma. Ubi iam ad gangraenam perventum est, eundem sane, cum anthrax, tum pustula maligna decursum habet, idem minatur discripen, eadem curatione indiget. Ityabit paucis quasdam adferre morbi gravis variationes, quas, iu principio saltem, ostendere consuevit, priusquam exponatur progressus eius ulterior. Diuersum aegritudinis habitum, cum a genesi varia, tum a diuersa coeli terraeque regione, in qua occurrit, repeteret, tum etiam diuersae auctorum obseruandi rationi

tribuere licet. *Davy-la-Chevrier* pustulam Burgundiae oriri cum pruritu refert; postridie phlyctaenulam pruriens cum sero rubicundo, calorem et tensionem vicinorum adesse; die tertio punctulum nigrum in centro, phlyctaenas recentes, areolam obscure rubram, tumorem et ardorem, ac tunc incisionem aegre fieri posse; ultimo escharam formari, vim sensiferam aboleri, et bene tractata affectione, eschara decidua, pus bonum generari. — Alias initio eodem, tardius nodulum et oedema percipi, cutem die quarto, marmoris instar, esse maculis notatam. In casu priori locus induratus *humilior* cute reliqua, in posteriori vero tuberculum *eminens* super tumore, varietates auctoris dicti duae sunt. — *Ph. Pinel* tres varietates statuit, *eminentem* scilicet, *depressam*, utramque contagiosam, et denique *non contagiosam*. *Eminens* incipit a pruritu et vesicula milii mole, quae sensim maior fuscaque euadens, rupta serum rubellum fundit. Pruritus interdum intermittit; tangitur tuberculum durum, cultro renitens, interdum lentis forma, mobile. Color cutis solum in medio et in fundo vesiculae lividus aut citrinus. Caloris, ardoris, rosionis sensus, ad cultrum vero nullus. Tumor tensus splendet. Ambitus elevatur, pallet, rubet, livescit, aut ex flavo in rubrum inclinat; phlyctaenulae discretae comparent, serius confluentes, cum sero rubicundo. Tuberculum centri fuscescit aterrimumque evadit, induratur, augetur, gangraena corripitur profundum petit; crusta gangraenosa sensim ultra serpit et area nodum aggeris ad speciem cingit. Synchrone accedit tumor, saepe praegrandis, erysipelati meteorismoque simul similis, durus, stuporem et constrictionem in parte affecta ciens, gangraena semper amplius progrediente. — Per plures dies insignis praeit *varietatem alteram* pruritus. Mox videtur punctum atrum, a pulicis quasi punctione, phlyctaenae limitatae, percipitur dolor, calor et stupor membra infra affectionis locum, cum symptomatis aliis gravibus. Papulae ruptae serum plorant tenue, superficie nudata atro-

aut obsolete rubro colore tincta atque parum partibus imis affixa. Interdum phlogosis exigua est, caeteris ut supra se habentibus. — Exemplum *non contagiosae* pustulae Pinel sequens adfert. Syncope aut hilaritas quandoque praecedunt tumorem inflatum, elasticum, cuti concolorem, cui insidet alter cyclicus, praedurus, mobilis aut affixus. Plerumque vero absque ullo prodromo comparet. Exsurgit in medio pustula, mole seminis cannabis, qua remota, videtur macula fusca, livida aut nigricans, cutem penetrans, liquorem, consistentia et colore varium condens. Emphysema ultro repit. Adest febris raro dolorque, alvo constipata aut nulla. Magna interdum hilaritas; verum ubi suppuratio imminet, febris, extremonrum frigus, pulsus inaequalis, timor mortis, quamvis morbus faustum nacturus sit exitum. —

In Suecia et Russia cum doloribus atrocissimis saepe inuadit, brevi lethalis. In Polonia subito, absque vlla febri, nodus comparet niger, in vesicam mutandus, sequitur tumor calidus, praegrandis, colore scarlatinae, celerrime in gangraenam abiens. ultro quidem partes non consumenter, saepe tamen cito letalem (*A. G. Richter.*) In quibusdam idcirco terrae partibus, formis variis ludere anthracem verisimillimum est, adeo, vt de carbunculo septentrionali (suecico), polonico (warschoviensi etc.) esthonico, russico, sibirico, lithuanico, prussico, hungarico, gallico (burgundico, provinciali etc.), guadeloupensi, americano, etc. etc. tractatus occurrant. Quin imo diversorum temporum carbunculi distincti leguntur, e. g. apud *G. L. Bayle* in *département Basses Alpes*, de anno 1795, plures apud *Fr. Schnurrer*. Quibuscumque autem initii malum hominem aggrediatur, semper in gangraenam, ex hac vero in sphacelum, cítissime ruit, suppurationis omnino nullo indicio dato, nec resolutione vnquam consequente. Regio, loco affecto vicina, interdum in tantum attollitur tumorem, ut totum ambeat collum, aut faciem integrum tandem occupet.

Non raro glandularum vicinarum nimius est tumor, cum colore erysipelatis, aut cum oedemate, aut utroque simul, cum, vel sine dolore. Rubor partis affectae quoque ulro protenditur. Dum eschara coloris cineritii aut nigra adest, consumtione infra eam vigente, tunc *anthrax* siccus adesse dicitur, cuius substantia coloris est flavicantis, aut liuida, aut subnigra, paucas solum ichoris guttas plorans. Anthrax vero *humidus* vulgaris gangraenae humidae imaginem prae fert, ex plurimis foraminulis manantem ichoris copiam largiens (*Ios. Frank*). Non solis integumentis communibus, telae cellulosa et panniculo adiposo labem infert morbus, sed saepe in omnem directionem serpens, musculos consumit, imo nec ipsis ossibus ac tendinibus parcit. Ichor tenuis, acer, flavescenti-viridis, aut sanguinolentus (*sanie*), foetidus, partes cito depascit. Interdum profunde omnia iam sepsis tenet, externo signo nullo. Partes glandulosas imprimis fuisse vastatas, in C. Sümeghiensi 1825 observatum fuit.

Post aliquot horas a prima morbi localis origine, interdum vero post vnum alterumue diem, vires aegri franguntur, caput obtuse dolet, pulsus fit debilis, somnus inquietus, animus deiicitur. Saepe vero eruptionem febris praecedit, saepe vero vix vlla, per totum morbum, obseruatur, aut saltem admodum exigua. *Pinel* hilaritatem extraordinariam obseruauit. In longe plurimis vero casibus, febris cito vehemens, cum aestu magno, pulsu admodum frequenti, saepe tremente aut contracto accedit. Synocha interdum totum morbum comitatur; saepe tamen brevi post cuncta febris neruosae, aut putridae euoluuntur symptoma.

Haec vero, quae nunc exponentur, morbi vniuersalis phaenomena, iam plura, iam pauciora simul adsunt: dolor epigastrii, nausea, vomituritio, vomitus; dolores artuum vagi, praecordiorum oppressio, anxietas et sensus peculia-
ris, ac si cor subleuaretur, ardor internus; vertigo, lassi-

tudo nimia , syncope , lipothymia , partium stupor , sopor , carphologia , delirium saepe vehemens ; interdum diarrhoea , sudores profusi . Interea gangraena in sphacelum iam mutata , aeger extinguitur , die tertio vsque vndecimum aut serius ; licet persaepe ab affectione locali , nimium quantum in peius ruente , iam primo aut altero nychthemero mors consequatur . Feliciorem morbus habet exitum , dum eschara sponte separatur , aut gangraenae physiocratia arteue limites ponuntur , nam tunc , reiectis per frusta partibus vita priuatis , vicus remanet purum , serius ocyus , benigna suppuratione , papillis carneis natis , consanandum , cicatrice residua .

M. I. Chelius et alii auctores carbunculum in *benignum* et *malignum* distinguunt , quorum ille saepe causa latente , bona ad speciem valetudine , plerumque homines miseros , debiles , potissimum post errores in ratione victus commissos adgrediens , fere absque febri absoluitur : posterior autem semper symptoma febris grauis , neruosae aut saepius putridae est , qualibet periodo oriens , funestum plerumque petens exitum et tumorem humilem exhibens , partibus subiectis quasi affixum .

A. G. Richter , causam excitantem spectando , *carbunculum lienicum* (*Milzbrand = Karbunkel*) , ab esu carnium aut alio modo a gangraena lienis pecorum profectum , describit , cum pustulis multis caeruleis et molestiis phlogoseos abdominis incidentem . Missis aliis morbi ominosi varietatibus , hic paucissima de *anthrace pestilenti* , nominando tantum , adnotasse sufficiat . Tumor ruber , valde inflamatus , parum eminens , profunde subter actis radicibus fixus , nimium ardens dolensque , durus , tres quatuor digitos amplius . — Aut pustula exigua vna , pluresue , mox confluentes , celeriter ut vesicula attollenda , sero albo , fusco , cineritio , rublicundoue plena , mox liuido et nigro . In ambitu papulae initio nullus rubor , verum die altero circum vesiculam , mole auctam , annulus ruber . Interdum super

tumore vesicula exsurgit, quae semper rumpitur et plaga gangraenosam, ambustum quasi, relinquunt. Gangraena in latum et profundum repens, mortificationis labem, tempore breuissimo, quaquauersum, ad musculos et ossa ferens, vsque dum aut pars sphacelosa a viua separetur, aut aeger moriatur. Quandoque e carbunculis lineae rubrae, radiorum instar, diuergunt. Potissimum scapulas, inguina et artus obsidet; licet et in mammis, genitalibus, abdomine, capite, in fauibus, ano, ad collum vesicae vrinariae, subvngue digitorum et alibi fuerit visus.

Quouis pestis stadio unus, quatuor, pluresue carbunculi in conspectum prodeunt, febris rationem nequaquam sequentes. Bubones praecedunt, vix superueniunt, imo saepe carbunculis comparentibus disparent. Vicissim bubonum incrementum carbunculi perfectioni obest; in quibusdam vero epidemiis carbunculi bubonibus insident.

Nulla est corporis pars, quae immunis a carbunculo et pustula maligna non pestilentibus dici posset; erumpunt enim in facie (ad oculum, in palpebris ἀνθρακώσεος nomine, *Herodot. introd. c. 15. et P. Aegineta*), in collo, pectore, artibus, ad genitalia, in abdomine; cereberrima tamen sedes est in nucha, in regione inter omoplatas, dorso et natis. *Tournefort* carbunculum, in insulis Archipelagi, fauces infantum obsidentem, cito enectorum, ad scarlatinam; *Garengeot* vero in ano obseruatum ad furunculum, ex accidenti gangraena correptum, referunt. Neque ad partes, in quibus nidulatur anthrax, eius corrumpens et mortificans vis restringitur, sed velut oculta et interna pestis, intima organismi labefactat. Post mortem vastationes partium haenueniuntur: textus cellulosus partium ei contiguarum sanguine resoluto repletus (*Chopart*). Cutis, cellulosa subcutanea et intermuscularis, musculi (sic pterygoideus externus) sphacelo consumti, partes nempe hae humidae, molles, foetentes; vasa dilatata sanguine nigro; totus paries caui oris destructus, non ossibus nec tendinibus exceptis;

ossum substantia sanguine nigro repleta; interdum tuberculum, quod nucleus anthracis constituit, fusco-rubrum, densum, nullum fundens sanguinem; in partibus vicinis vix ullus sanguis, sed serum rubicundum, corium in pultem ferre conuersum; pone ostia corporis nidulante pustula, emphysema in membranas mucosas continuatum, apud A. N. Gendrin leguntur. Reperti sunt pulmones sanguine turgentes, sero multo innatantes (*Chopart.*) Gangraena ventriculi et intestinorum tenuium, saepe cum voluulo, peritonaeum incrassatum, epiploon et mesenterium liuida, seri rubescens magna copia; hepatis parenchyma iusto obscurioris coloris, vesica fellea et ductus biliferi inflammati, paucam billem spissam et fuscam continentis; saepe enthelminthes; sanguis venosus aterrimus (*Heiroth, Bertin*).

Causarum, quibus morbus, omnino periculosus, continetur, diversas adferunt obseruatores. Crebro tamen nulla plane erui valet. Diathesin subesse vix dubium est, cum nonnulli homines ab exili causa afficiantur, in primis egeni, viribus exhausti, cachectici, ebriosi, retentionibus urinae obnoxii (teste *La-Fontaine*), senio fracti, curis vexati, valitudinarii aut conualecentes (*Portal*). Sententiam et id confirmare videtur, quod aliqui hominum, nec ab esu carnis pravae, nec ab attactu partium animalium inficientium, quidquam patientur. Caeterum nec aetas, nec sexus ab anthrace eximit. Excitantium momentorum praecipuum et frequentissimum a plurimis (excepto *Birnstiel*) ponitur in commercio, quod hominibus cum bobus, ouibus et capris splenitide (*infl. lienis gangraenosa, maladie charbonnée, Milzbrand, Karbunkelsieber Kauschii*) laborantibus intercedit. Glossanthrax aut stomachace et angina carbuncularis porcorum, atque ozaena maligna equorum, a quibusdam etiam culpantur. *Kausch* ipsas aues domi altiles lue simili corripi posse autumat, pellem vrsi, qui pecus aegrum e terra efodit, quatuor hominum mortis fuisse causam scribens. Plerumque fatalis est esus carnium pecorum splenitide

extinctorum; quamquam non desint exempla carnes impune fuisse consumtas, iam ab *I. A. Unzer* collecta. Fors coctio vim noxiam carnium tollit, aut digestio eandem superat, adeo, ut cum veneno viperarum contagio huic aliqua sit analogia. De diathesi dictum est. Gigni autem in pecoribus per splenitidem contagium, dubio vacat, nam in cadaueribus animalium saepe ad articulos extremorum et ad tracheam pustulae malignae similis tumor, in cellulosam mersus, glandulae tumidae, oedemata, musculi coloris plumbi, pulmones et alia organa interna gangraena correpta reperiuntur (*Kausch*). Noxias esse carnes animalium, quae nimium aguntur, *Chelius* suspicatur. Infectio durante vita, et post mortem locum habet, maxime in regionibus vdis, sirio vrente, et autumno humido. Plurimum exponuntur periculo pastores, oeconomi, veterinarii, laniones, cerdones et alii idgenus homines, qui curam animalium gerunt, aut eorum carnem exuuiasque contrectant. Contagii vis diutius quoque persistit, nec semper immediatus ad suscipiendum requiritur contactus. *I. P. Frank* Hebraeum vidit, ob detractam cutim altero die mortuum. *Bertin* ducentos Aethiopes in Guadeloupe a cura animalium aegrorum anthracis correptos refert, e quibus plures obierunt. *Pinel* fabrum ferrarium, instrumento, quo aegrum animal contrectabatur, antibrachium laudentem; ante 24-am horam mortuum fuisse narrat. Anno 1777 anthracem inter eos, qui sebum et alias partes animales tractabant, grassatum fuisse Parisiis scribitur. A sanguine bouis aegri, partes corporis varias, e. c. oculum contingente, licet illico abstergo; ab excrementis morbum fuisse concitatum, exempla docent. Suscipitur autem facilime contagium partibus teneris, epidermide orbatis, aut sauciatis. Quaenam vero opinionum probanda sit, an Gallorum meridionalium, qui splenitidem inter animalia contagiosam esse contendunt, an vero Germanorum septentrionalium, qui id rarissime, solum in summo morbi gradu, admittunt, nondum liquet. Cunctas sple-

niticorum animalium exuias homini, feris, sui, altilibus nocere, euictum est. *Adami*, veterinarius celeber aliique irrito lienitidem inoculatione producere conabantur, cum tamen in Prussia ipsum sudorem vaporemque infecisse compertum sit. Ab uno ad alterum hominem non propagari, plurimi autumant, cum e contrario exempla duo contagionis per sudorem apud *Paulet*, alia in *Asclepieio* a. 1810 adnotata sint, in C. Sümeghiensi, uno correpto homine, plures in eadem domo prehensi fuerint a. 1825, et apud plehem lithuanicam, ab ipso aëris contigui afflatu morbum excitari, opinio vigeat. *Barthélémy* minorem vim inficiendi carniuora animalia splenitidi tribuit. *Pallas* suspicatur, pustulam malignam non in Sibiria sola, sed et in aliis Russiae prouinciis, orientalibus asiaticis, praesertim ad fluvios Uy, Irtisch, Isset, Volgam etc. endemum, ab insecto trahere originem. *Heiroth*, *Hopf* et *Rehmann* idem censem, quamuis insectum non prodant. In Sibiria aestate feruidissima (frigidiusculis enim non comparet) in locis paludosis, multa insecta alentibus, inter homines, boues, equos et inter animalia pilo breui praedita grassatur pustula nigra. Apud Kalmukos phalangium araneoides, bibio sanguinarius, scolopendra morsitans, cutis vitia carbunculo similia producunt. Aliqui furiam infernalem Solanderi, alii siricem gigantem, alii alia accusant insecta. Accedit anthracem Sibiriae non contagiosum cum pruritu et tumore, prout ab insectis excitantur, ingruere, atque herba nicotiana profligari. *Burel* duos aegros punctionem ab insecto sensisse, tertium vero ipsum insectum prehendisse narrat. Plura in hanc rem videsis apud *Chopart*, *Achard* et *Richard*. *Vimat* insecta, per se innocua, fortuito ulcerum malignorum, aut epizooticum contagium secum ferre, ac disseminare asserit, ita, vt verisimile sit, Sibirios pastores ab armamentis, splenitide affectis, morbum bac acquirere ratione. Cutis abnormem irritationem, anthraci producendo parem esse, *I. P. Frank* obseruauit et quidem ab emplastro ve-

sicante, ternis vicibus nuchae, absque indicatione, applicito. Ortus anthrax, infantilis capit is mole, cataplasmatibus irritantibus, atque theriaca impositis, opioque interne sumto, sensim separatus, ossa nuda reliquit, sanitate tarde reuertente. In casu altero, post thermarum Badensium Austr. vsum, eadem fere methodo sed aegrius curatus fuit. Post vsum thermarum aliqui, a scarrificatione alii, *Labadie* ex odore cariei in mala, *Göckel* a terrore excitatum fuisse carbunculum scribunt. Non desunt, qui a solo aëre prauo, in primis paludos et constitutione epidemia singulari, produci carbunculum credant. Alii malam tum aëris atmosphaericu, tum aquarum indolem endemii anthracis, et pustulae malignae rationem continere, sibi persuasum habent (*Bunge*). Grassatur autem fatale malum quam maxime sole nimium vrente, in regionibus paludosis et planis Hungariae inferioris, sub messe, mensibus Iulio et Augusto, et in Gallia quoque aestate declinante et toto quandoque autumno. *Hippocraticus* vir Epid. II. anthraces Cranone aestiuos fuisse, pluuiis cum aestu frequentibus largis. Per totum idque ab austro magis. Plura ἐπιδημῶν exempla adnotauit *Schnurrer*, quorum aliqua mox adferentur. In département. Galliae Alpium inferiorum 1795, in Beauce (regione inter Parisios et Aurelianum) crebrius, in Sarmatia veteri per vices frequentes, in Borussia post annorum certam seriem, anthrax epidemius obseruatus fuit. — Eodem tempore cum carbunculo populatim grassante et alii saepe morbi, latius per humanum genus extensi sunt, exemplo febrium ardentium cum sopore stomachique fastidio, ulceribus, putredine et ectymatis magnis, ab *Hippocrate* in Epid. III. Sect. 3. obseruatis. In regione Sümeghiensi A. 1825. scarlatina, inde ab hyeme dominans, imperium adhuc tenebat, dysenteria simul et febribus gastricis frequentibus. Potentias cosmicas omnis generis, aëris θεῖον, sensu Coi senis, item famem, bellam et alias afflictiones, in nexu efficientiae cum genesi anthracis ac pustulae malignae esse, chronica testantur, et

recentissime a *Schnurrer* ex parte elaborata. Auctor hic ylcera vesicasqué, hominibus et pecoribus in Aegypto infestas, a cineribus per Mosen et Aaron in aëra sparsis ortas, declarat pro anthracibus, ab explosionibus vulcanicis cineribusque productis. — Anthracem prima vice Romam, Coss. Tib. Semp. Graccho et M. Iuuentio Thalna, cum gossypinis mercibus fortassis, adlatum ex Gallia Narbonensi, *Plinius* noui morbi nomine describit, qui cum morbo propter Castres (vbi *Maluat*, *charbon prouencal* dicitur) congruit (*Borellus*, *Werlhof.*) Is per minimum vulnus communicabatur, seque manifestabat sub lingua per plagam rubram duriusculam, paulopost maculam nigram colore plumbi, indolentem. Cum sopore, cui obtemperare periculosum fuit, die tertio necabat. Interdum pustulae paruae in ambitu cernebantur, faucibus ipsis affectis. — Maximino imperante A. C. 312, pluuiis hyemalibus absentibus, sterilitate et lue dominantibus, comparuit ἔλκος, ob calorem et unctionem anthrax cognominatum, nulli parcens parti, ad canthos oculorum maxime molestum, multa hominum millia excoecans. — In Aquitannia et regionibus Galliae Angoumois, Périgord et Limousin, febris carbuncularis (*le feu sacré*), breui tempore, 40 hominum millia abripuit, quare a bellis cessatum, bona claustris collata et Hierosolymam itum est A. 992 (*Mezeray*). — Anno 1587. Madriti variolis accedere carbunculi, ex quo connubio 5000 hominum necata sunt. Burgis et Barcellonae morbus pesti similior, pluresque carbunculi, vno minus exitiosi, fuerunt. Circa 1595. carissimae annonae tempore, sub constitutione cholERICA, carbunculi cum hyperemesi comparebant, et per sudores largos iudicabantur. Annis proximis in Hispania et Portugallia, cum morbo pestilenti, carbunculi plures, quam bubones, comparebant. In Granada et Andalusia saeuiebat carb. anginosus, annis sequentibus infantes vexans (ne fors scarlatinae exordium aut modus?). 1628 pestem in Germania meridionali, Heluetia, Gallia, carbunculis multis cito

erumpentibus; criticis; fuisse mitigatam, referunt *Beaumont* et *Pauw*. Circa annum 1744., turbis praegrandibus atmosphaerae successit lues pecorum, cum laringitide gangraenosa, in plurimis Europae partibus, cum carbunculo symptomatico. Similis epizootia ab a. 1745 usque 1775 iterato grassabatur. A. 1788., aestu saepe incidente, anthraces cornutorum, equorum, suum, liquorem flauum continentes, post paucas horas exitiales fuere (*Schrank*). 1803. mense Iulio, aestu nimio, in partibus Sueiae superioris (praeprimis in der Baar) anthrax, cito lethalis (der gelbe Knopf), equos infestabat. Furentibus vero inter animalia domestica illis morbis, non parvam homines malorum habuisse partem, obseruationibus omnis aei extra dubium positum est.

In causam, quam hodie proximam appellare amant nosologi, inquirenti, densissima occurrit caligo, vix vnquam facibus, ex metaphysicae armamentario sumtis, discutienda. *Vir Hippocraticus* ait: „Foeditas potius, quam morbi: „fauus, strumae, phygethiae, furunculi, carbunculus ex „pituita oriuntur. *Galenus de atra bile*: cum vero „tale quidquam cum febre exoritur, humor melancho- „lieus, qui in cutem abscessit, facit eum, quem carbonem „nominant — — — Venae crassum nigrumque humo- „rem, qui cutim penetrare nequit, aduehendo, carboni, „si excernenda illa calida sunt, originem praebet. — *De tum. praet. nat. gangraenae* autem carbunculique sunt, cum „sanguis, qui veluti inferbuit et prope ad inflammatio- „nem deuenit, cutim deusserit, etc.“ — — — „ab atra „bile existit ulcerum malignitas in carbunculis, nam vel „statim in principio, vel in ipso feroore, superassatum „sanguinem fieri melancholicum appetet.“ Ubi vero san- guis influens niger, crassus, feculentus, feruidus, cum sanie tenui admista, pustulas quasi ab igne excitat, etiam anthracem compellauit (anthracem ab anthrace s. carbone, more illorum non distinguens, qui marasmus a tabe, asthenian

a debilitate toto differre coelo etc. putant). *Puulus Aegineta et Arabes*, ex imitatione Galeni, etiam sanguinem ardentem, atra bile infectum, ut et *auctor definit. medic.* accusarunt, authracis causam. *Fabr. ab Aquapendente* sanguinem nimium ardentem topiceque redundantem, cum omni cohorte aevi medii scriptorum, culpat. Vix post 2000. annos ultro in explicanda penitiori natura peruenimus! *Chelius* bilem et sordes primarum viarum, quorum, maxima in sanguinem et reliquos humores est efficacitas, anthracis causam statuit, frequens nempe symptomata febris gastrico-biliose. *Bücking* itidem *sordes primarum viarum*, *Bernstein* materiam peccantem in cutim depositam, interdum febrim malignam; *Schmucker* acrimoniam arthriticam; *Mursinna* febrim putridam; *Callissen* saepe humores prauos; *A. G. Richter* metastasim acrimoniae sanguinis, saepe numero arthritidem, inter causas carbunculi et pustulae malignae numerarunt. Idem *Richter* serius anthraces pronunciavit esse fere semper criticos aut metastaticos, frequenter saltem, iis erumpentibus, febres mites aliaque minora incommoda euanscere, imo iisdem febres vehementiores, in primis myco-entericas exanthemataque mitigari, si plures compareant; dyspepsias chronicas, asthma, hypochondriasis, manian, ipsam beneficio anthracum fuisse sublatas; in typho putrido, cuius quam maxime critici sint, ne fors saepe sustentari materiis septicis primarum viarum; formam propriam anthracum in certis regionibus endemic originariam esse posse, vix solo insectorum punctu producendorum, quibusdam annis frequentiorum; plures, ubi synchroni, aut brevi tempore se excipientes sunt, per acrimoniam sustentari, syphiliticam, aut arthriticam, atque tunc saepe pertinacissimos, malignos, facillime gangrenescentes ac lethales esse. Porro interdum furunculorum habitualium, similis notae, rationem contineri in abnormi cutis organisatione, aut symptomata esse syphilidis longaeuiae, atque tunc ne fors coitu et attactu inficiendi vi pollere.

Schraud hungaricum anthracem, licet quandoque sine febre incedat, semper biliosum esse contendit.

Quod, prae aliis corporis partibus, communia integumenta carbunculus vexet, in eo situm esse docetur, quod noxis, cum externis, tnm internis, plurimum sunt exposita, utpote quae latissime patent, creberrime in morbis symptomatico, aut critice inflammantur. Causa diuersitatis inter anthracem et pustulam malignam iam ab *Auicenna*, F. *Widemann*, *Boerhaave*, et inter recentiores auctores, a *Mouton* et plurimis aliis exposita, ex tenebris nondum eruta est. *Kausch* *pustulam nigrum*, *carbunculum typhodem*, *carbunculum lieniticum s. febr. carbuncularem*, morbum esse eundem autumat, formae variae, pro diuersitate animalis, partis affectae, vehementiae morbi, aliorumque adiunctorum. *Boyer* *anthracem a pustula maligna* habitu externo solum differre docet. Ast *Thomassin*, *Enaux* et *Chaussier* contagium esse varium, et decursum non omnino eundem affirmant. *Pinel* inquirendum restare dicit in rationem, quae *pustulae malignae*, ab externa, et ab interna causa natae, cum *anthrace*, *erysipelate gangraenosos*, *gangraenaque* intercedit.

Dignoscitur vero carbunculus et pustula maligna a *pernione* et *ambustione*, habitu proprio, et ex eo, quod harum affectionum causa excitans cognita sit. Arabes, qui variolarum nomine etiam *ignem sacrum*, seu carbunculum, comprehendenterunt (*Hahn*, *Triller*, *Werlhof*), vix quisquam hodie imitabitur; variolae enim, etsi gangraena corripiantur, ex habitu et decursus ratione facile distingui possunt. *Galenus* iam colorem erysipelatis diuersum a colore, magis nigro, anthracis rite distinxit. Rubor erysipelati proprius diffusus est, pustulae tantum in morbi ulteriori progressu excitantur et gangraena tantum iu fastigio phlegmones euoluitur. Furunculus perperam irritantibus curatus, gangraena potest coripi (*Heim*), et passim tamen, ut ab ipso *Chelius*, tantum vi phlogoseos et nisu in gangraenam

minoribus, a carbunculo diuersus esse putatur, vnde hic etiam furunculus malignus cognominatur. Differentia tamen in charactere ipso vtriusque morbi sita est. *Vicdcessus* contendit, furunculum abscessu distingui ab anthrace, qui in ipso corio mersus sit. Furunculi centrum plurimum dolet et nucleus semper suppuratur, quod vtrumque in anthrace non fit. Morbum inter furunculum et carbunculum quasi medium, nomine ital. *Vespajo*, *Galvani*, *furunculi carbuncularis* vero *Fosbrooke* describunt. Similitudinem aliquam cum carbunculo habet *epinyctis*, regionum calidarum morbus, de quo *Dioscorides*, *Aëtius*, *Forestus*, *Severinus*, *Riverius* et *Hoegel* egerunt. Erumpit plerumque noctu pustula subliuida, aut nigricans cum dolore et unctionis sensu quasi ab igne, humore tenui acri repleta, post paucos dies in ulceris ichorosum, sordidum conuertenda, materiam glutinosam fundens. *Strack* quandoque plagas, quinque pollices amplas, inde ortas, quibusdam locis cutim nigram, ac si adusta esset, et secedente paulatim crusta, foueam in cute obseruauit. (*Jos. Frank* vidit cicatrices, quales ab epinyctide remanere solent, a morbo vix definiendo). Alias consistit in pustulis plurimis, synchrone interdum, in trunco vel iuartibus comparentibus, fabae volumen fere adipiscientibus. *Thermintus Galeni* pustulæ sunt dolorificæ, margine purpureo, apice nigro, similes pisis et figura et mole (*Erbsenblättern*), nonnunquam in gangraenam abeunes, ut plurimum tamen, crusta, tertio quartoue die decidunt (*Schälblasen*), terminandæ.

Terminationes, quas anthrax et pustula maligna petunt, eaedem prorsus sunt, quae gangraenæ et sphaceli, in sanitatem scilicet, aut in mortem. Physiocratiæ sola, per artem spuriam non turbata, aut quod multo faustius vertere solet, per artem genuinam adiuta, optatus exitus obtinet. Irritatione topica lenita, vicinorumque phlogosi moderata et interna causa sublata, aut sopita, in limite, qui partem correptam a sana discernit, phlogosis benefica,

rubore laeto, excitatur; cumque resolutio plenaria nunquam induci possit, vasis absorbentibus, ad actionem iustum compulsi, viuae partes, mortuis contiguae, ab hisce separantur et eschara sphacelosa per frusta discedit. Vasis magnis raro et tarde perrosis, interea phlogosis adhaesiua, malum limitans, vasa conglutinat, thrombo sanguinis a non-nullis, vas obturante, viso. Pure bono producto, granulis plasticis papillisque enatis, vlcus purum demum consanatur. Febris simul cum malo topico meliorem acquirit indolem. Ubi vel ob sedis, quam morbus topicus tenet, dignitatem, aut ob febris sumimum orgasmum, aut denique extremam bio-energiae exhaustionem, gangraena, in mortificantem sphacelum transgressa, partes late depascit, vita brevi extinquitur, die primo, aut altero iam, aut proximis.

Resolutionem et suppurationem anthracis et pustulae malignae frustra expectari iam dictum est, quamvis *Bunge carb. sibiricum* epidemium illas terminaciones admittere obseruauerit, si in principio remediis aptis curetur. Frequenter vitam tollit, praesertim plebeiorum, cum initium eius ab ignaris vilipendatur. Malignum prae aliis faciei anthracem scribit *Aetius*. Pessimi quoque ominis est, morbus in senibus et cachecticis, nisi alia eo comparente tollantur incommoda. Faustum est praesagium, dum morbus topicus, natura cito limitatur, dum partem, necessitate ad vitam, minus nobilem prehendit, dum contagii vis minor, numerus carbuncolorum exiguuus, febris synocha mitior, aegri constitutio et temperamentum bona sunt. In contrario rerum statu, mortis periculum frequenter omnino imminet.

Remedium prophylacticum adversus morbum fatalem, semper efficax, incassum quaesitum est. *Pinel* lotionem partis, a suspecto corpore contactae, sapone, aut lixivio cinerum, aut aceto commendat. Legibus, de morborum epizooticorum tractatione, a civitate latis, periculis quoque carbunculi magnam partem praevertitur. Insecta, qualicunque demum ratione nociva, fumo stercoris et vegetabilium

fugantur. Nec abs re esset, corpus oleo illinire; aut saltem reti, oleo imbuto velare. In Sibiria asa foetida, collo animalium domesticorum appensa, aut pix, pelli inuncta insecta arcet (*Bunge*).

Curationis primum et praecipuum consilium sit directum in sufferendas, siquae adhuc adessent, causas, aut saltem minuendas. Ubi causa interna est, ibi actio principii morbos in cutem dirigenda ac vires vitales, per omnem morbum, in iusto tenore conseruandae sunt. Inflammatio localis nimia moderanda, progressusque mali in spatium amplius coercendus. Non minorem febris cum vehementia, tum indeoles exposcit attentionem.

In principio, ubi multa inualuit phlogosis, ad eam frangendam, in ambitu anthracis, aut pustulae malignae, hirundines applicare conuenit. In ipso inflammationis centro foimenta frigida, bono cum successu tentata, similitudo anthracis cum gangraena pernionis commendare videtur, in recenti morbo, ampliori experientia confirmanda. *Galenus meth. med.* iam refrigerantia laudat. *Ios. Frank* egregios fotuum frigidorum effectus, Wilnac 1821 se fuisse expertum scribit, in centro tumoris cataplasma emolliens tepidum, in peripheria vero aquam frigidam cum aceto lithargyri adhibens. Virtutem frigoris praedicant *Ficker* et *Kottmann*. In medio plague patientis cataplasma emolliens, aut rarius emollienti-narcoticum, aut parum stimulans cum fructu adhibetur, quo scopo varia a medicis et ab ipsa plebe, in usum vocari solent. *Galenus de comp. med. p. g.* circumpositas partes cataplasmatis fovere, quae aequalem vim habeant, ut repellant et mediocriter refrigerent et digerant, auctor est; *in arte curativa ad Gl.* cataplasma ex orobi fariná et oxymelite laudat, alio loco cataplasma ex arnoglosso (plantagine), aut ex lente cocta, micae panis teneri remixta. *Z. Platner* farinam cum lacte coctam, cum oleo pingui, melle et carica; item radices althaeae etc. hb. alth., malv., brancae ursinae, etc. flor. melil, verbasci;

sem. mucilaginoso-oleosa, olea blanda; empl. melil. *Bücking*
 ceratum emolliens, nempe: ceparum sub cineribus coctar.,
 cerae flavae, picis singul. unc. duas et semis; sapon. venert.
 semin. foeni graeci singul. unc. tres, et oleum oliv. applicare
 iubet; super haec cataplasma calidum humidum, pres-
 sione omni vitata; praeterea empl. molle, camphora laute
 inspersum, annuli instar, circum cataplasma. *Bernstein* con-
 ficit pultem e seminibus lini, fl. cham., simila, pulv. chi-
 nae, aceto; hisque tumore se non elevante, imo conciden-
 te, fermentum panis, theriacam, cepas tostas addit, quod
 et *A. G. Richter* probat, qui serius adnectit calatum aro-
 maticum, myrrham, aloën, camphoram, eo largius, quo
 anthrax magis in gangraenam nititur. *Bernstein* praeterea
 emplastrum *Bechholzianum* (nigrum, s. sulfuratum Pharm.
Boruss.) laudibus extollit, quod constat: coloph. unc. octo-
 decim; tereb. unc. sex; gg. ammon., galb., sagap. myrrh.,
 asphalt. singulorum unc. quatuor; olei lini sulf., ol. tereb.
 singulor. ung. octo; camphor. unc. una et semis; cui su-
 perponit cataplasma superius expositum. Postremo in casu
Z. Platner, supradictis emollientibus subiungit cepam ustul-
 latam, allium, caricam, saponem, mel ac fermentum panis,
 saliva subacta: deinde gummi ammon., gallb., sagap., bdell.
 sola, vel cum aceto; empl. diach. comp. *Kausch* catapla-
 smata emollientia, calida applicare continuat, ubi iam nu-
 cleum natura secernere molitur, id quod ex mente *T. Chel- lius* vix est probandum; indicio manifesto, non ubique ter-
 rarum, nec semper remediis iisdem esse locum. Commen-
 dantur praeter enumerata, complura alia, qualia sunt: bu-
 tyr. insulsum cum pice; empl. cicutae et gg. resinosum;
 a *I. Prevotio* caro cydoniorum, a *Paraeo* raphanus rusticanus,
 a *Bartholino* smilax aspera, a *Bucholz* et *Marquet*
 sedum acre, a chirurgo quodam in C. Pestinensi, tanquam
 remedium eximum, fructus solani lycopersici. Rustici hun-
 gari, raro medicum consulentes, carbunculo applicant pro-
 miscue cepam tostam; pruna matura cum pulv. capsici an-

nui; prope Ketskeméth salem, piper, pruna tosta et vitellum ovi; plebs Sümeghiensis artum supra anthracem ligans, pomis aut prunis coctis, cum pipere, capsico annuo, cochl. armor. permixtis fouet; alii fol. dat. stramonii, aut vngu. ex sapone cum camph. Caeterum pro instinctu lac coagulatum, aut vinum acidum bibunt. — Cohors haec medicamentorum in iustum et morbi gradui, ac profectui convenientem ordinem disponenda, non susque deque adhibenda est. Ubi iam gangraena ingruit, aut adest, partes finitimas herbis aromaticis, in vino coctis, et spir. arom., v. camphor., souere expedit. Plagae iam gangraenosae, parum licet extensa, caustica s. escharotica poscunt, quorum utilitatem in eo positam esse retur *Pinel*, quod figant virus in crusta, monens delectum eorum minime esse indifferentem, ac primum tenere locum acidum sulfuricum, muriaticum lapidem infernalem et butyr. antimonii. Apud *Galenum* misy, chalcitis, arsenicum, calx, chrysocolla, nitrum tostum (nostrum natrum) lapis asius, alum, diphryx, sal ammon., atrament. sutorium, etc. varie conjuncta, et ab inventoribus denominata, cum oleo veteri, aut aceto, resina, aut aliter praeparata, occurrunt. *Enaux* et *Chaussier* etiam caustica suadent. Sequentia ab aliis praedicantur caustica, aut acria: cantharid. a *Riverio*, vitriolum caeruleum la *Liautaud*, lapis causticus a *Carron*, *Hochmayer* et *Davy* la *Chevrier*, arsenicum ab *Agricola*, *Carcano*, quorum postremum etiam agyrtae inter Parisios et Aurelianum in usum vertunt. Si admodum pertinax sit carbunculus, et nimium depresso, ferro candenti adurendus est, suadentibus *Celso*, *Galeno*, *Conr. Gesner*, *Chesnau*, *Dusaussoy*, *Pouteau*, de la *Vigne*, *Sculteto* et aliis, etquidem Celso auctore, protinus eosque, dum ab omni parte doloris sensus cessen. Calcem vivam etiam *Aëtius* commemorat. *A. G. Labarraque* chlorureti oxydi sodii, in gena, expertus est efficaciam.

Aperturas , ne fors sponte natas , tempestue ampliare ,
 aut vbi desunt , incisionibus in escharam , facere oportet
 (*Bernstein* , *Richter* , *Chelius*) , vt ichori malefico liber pa-
 teat effluxus . Eschara mobilis , congruo adminiculo , remo-
 ueri debet . Cauendum summopere est , ne loca circumia-
 centia nimium quantum irritando , admodum vehemens in-
 flammatio cieatur , in gangraenam ruitura , malumque au-
 ctura . Si locus gangraena correptus iam latius extensus est ,
 aptius (*Chelius*) scarrificatione , repetita etiam (*Calissen*) ,
 partes corruptae a viuis solertissime separantur . *Galenus*
 incisiones mediocribus altiores commendat , et *Bücking* in-
 scindere iubet audacter , profunditate tenacitatemque non ve-
 tantibus , si opus iterato , et superponere vnguentum dige-
 stiuum , cum cerato superius exposito . Scarrificationem
 profundiorem quidem *Pinel* , non tamen ad viuum vsque ,
 perfici iubet , eo proficuum , quod et ipsas partes sanas salu-
 briter incitet , et remediorum directam admittat actionem .
 Sine timore limites gangraenae migrandi in altum scissio-
 nem fieri vult *Gendrin* , et mox escharotica potentiora ad-
 hiberi . Nonnulli filum duplex , acus curuae ope , per gan-
 graenam traiciunt , atque fili extrema attollendo inuicemque
 proprius ducendo , discindunt , quasi saponem partirentur .
 Residua dissoluta scarrificando iidem remouent . Sectionem
 profundam , crucis forma , tollendae constrictionis partis affe-
 ctiae ergo , *Bernstein* et *Chelius* facere consueuerunt . Non
 desunt , qui incipiente malo topico partem corruptam , cen-
 trum scilicet nigrum , cultro eximunt , ita vt fouea infundi-
 buli referat figuram (*Kausch*) , et mox impense parietes fo-
 ueae adurunt lapide infernali , acido muriatico oxygenato ,
 butyro antimonii , imo ferro candente . Z. *Platner* extirpa-
 tione recentis carbunculi , phlogosim orarum periculosam
 reddi timet . I. I. *Plenk* post scarrificationem , puluerem cam-
 pborae , et desuper vnguentum de styrace adhiberi ab aliis
 scribit . Ipsa partis affectae amputatio fuit proposita a *Heluetio*

(Paris 1740.), qui dicit: „ergo amputatione tutius, quam decussata sectione anthrax serpens curandus.“

Locus a gangraena liberatus, deligatur stimulantibus remediis, fine suppurationis salutaris obtainendae. Utilia laudantur haec: ung. digestivum, de styrace, aegyptiacum et similia. Commandant et alia auctores: *Platner* essentiam vulnerarium et empl. diachylon comp. *Calissen* oleum tereb. sal. ammon., chinam, *Bernstein* iniectiones decocti chinae vinosi, cum myrrha et melle rosarum, *Richter* chinam, camphoram, *Pinel* praeterea spirituosa, aromatica. *Chambon* sequenti compositione vsus fuit: pulv. acetat, cupri (aerug. cryst.) vnc. vnam; aloës socc., gummi resin. myrrae, singul. unc. semis; spir. camphor et ammoni., theria. uenet., mellis puri, singulorum unc. unam. f. ung. *Menu-ret* unguentum e vitello ovi et muriate sodae illinit. *Odier* cataplasma ex puluere carbonum, opio et camphora applicat. Ulcus purum filamentis carptis, aqua tepida, aut aceto saturni paucō permixta, imbutis operire conuenit, natura sationem perfectura. *Sibirii* pustulam malignam et carbunculum, ad doloris vsque sensum, sanguinis comparitionem, perforatum acu aut subula, sale ammóniaco et pulu. hb. nicotianae tabaci repetito perflicant. Curationis hic modus magistratum auctoritate in Russia publici iuris factus est. Alii, quin carbunculum perforent, lixivium potassae in decocto tabaci et alumine applicant; alii cataplasma calidum ex pulu. hb. solani dulcam., far. auenae, panis fermento et sal. ammoni. Sulfuris, hydrargyri, asaeque foetidae virtus exploranda foret, ob suspicionem quorundam, latentis in anthrace sibirico insecti. *Ferra-Mosea* mercurium efficacem esse retulit. Complurium remediorum, superstitione cultorum, haec pauca adferre sufficiat. *Gardane* puluerem buffonis, *Rhumelius* ranam imponendam, de *Gorris* sapphirum commendarunt. In Hungaria inferiori, ex una in aliam partem transponi posse carbunculum, credit vulgus, ranunculi repentis herbam cum adipe vetusto loco

illi imponens, in quem transferre optat. Alii eorum folia salicuum cum alumine cocta, et postmodum cistum helianthemum adhibent. Alii denique anthracem e loco magnae dignitatis, in membra et ex his in terram, detrahere opinantur, allio cum puluere pyrio, in linteolum inclusis, carbunculum cruce signantes, idque terrae infodientes. Malum tamen sic tractatum esse erysipelas pustulosum, comprehendunt est.

Topicae curationi semper etiam uniuersalis coniungenda est. In synocha vehementi venaesectio a *Galen*, *Zacuto Lusitano*, *le Feure*, *Drouyn*, *Bücking*, *Bernstein*, *Bunge*, *A. G. Richter*, *Bertin* etc commendata est, poscentibus circumstantiis repetenda etiam, dubio haerente *Pinel*, et vix esse proficuam asserente *Chambon*. Summa tamen opus est circumspectione, ne viribus aegroti pessumdati, febris atactica invitetur. Post esum carnium suspectarum, et affectionis gastricae phaenomenis praesentibus, emesis sine mora cienda est, quam *Schraud* summis extollit laudibus. Gastritidem ipsam vix illorum usum vetare multi asseterant. Aluum ducentia remedia, a *Bertin* initio morbi haud salutaria reputata, a *Pinel* suppurationem dirigere credita, minoris esse efficacie *Jos. Frank* dicit, fere extra usum ponenda. *A. G. Richter* tamen in ipso typho putrido purgantia, imo emetica, prodesse, auctor est. *Chelius* eccecoprotica magni facit in anthrace benigno. In morbo universum organismum prehendente, et geneseos carbunculi rationem continentem, diapnoica leuia, cum tart. emet. dosi refracta, quibusdam placent. Caeterum in quolibet casu individuo curationem febris stadio, characteri et vehementiae accommodare oportet et consilia ex pyretologia petere. Quod ad regimen attinet, *Borellus* abstinentiam a somno in anthrace endemio utilissimam fuisse scribit. Animum bonum et spem aegri quoquo modo conseruare studendum. In conualescentia omnis attentio in abdominis viscerum conditionem dirigenda.

T h e s e s.

1. **M**edico adeo necessaria est fatorum suae artis cognitio, ut non magis gubernatori ciuitatis historia populorum.
2. Saepe accedit, ut doctrinas specie nouitatis cultas, iam vetusta admodum tulerit dies.
3. Fontes artis medicae, perpetuum victuri, sunt: casta naturae obseruatio et indefessum ac *κριτικῶς* institutum Hippocratis, aliorumque naturae filiorum studium.
4. Scientias naturae docendi methodus hodie vigens, fere solo verbo, autopsia admodum exigua, aut nulla adhibita, numerum doctorum auget magis, quam scientias amplius perficiat.
5. Obseruatores naturae vetustissimi, omnibus temporum rerumque adiunctis rite pensatis, recentioribus plurimum praestant.
6. Morborum in systemata et classes coactio arti medicae plus detrimenti, quam emolumenti attulit.
7. Medici quidam itemque sophistae dicunt, quod impossibile est, eum medicinam cognoscere, qui non nouit quid sit homo et quomodo primum factus et compactus sit. Ego vero ea, quae ab aliquo sophista aut medico de natura dicta aut scripta sunt, minus censeo ad artem medicam spectare, quam ad pictoriam. *Hippocr. de vet. med.*
8. Praecipitus medicinae facienda defectus non in eo vertitur, quod nesciamus, quo pacto huic aut illi intentioni satisfacere debeamus, sed quod non satis sciamus, quae sit illa intentio, cui satisfaciendum est. *Sydenh. tract. de hydrope.*

9. Non datur morbi ullius exacta definitio.
 10. Hippocrates usus non est signis ex pulsu minorum arteriarum; an vero id merito, an alioquin, aegre quis determinauerit.
 11. Per anatomen cadaverum non semper causae morborum, sed saepe numero effectus innotescunt.
 12. In morbis compluribus ferrum candens et moxam im-
merito medici horrent.
 - 13: Tartarus emeticus, praeter quam quod emesin cieat, potentissimum remedium soluens est.
 14. Diaetetike cum ad conseruandam, tum ad restituendam sanitatem longe plus valet, quam pharmakeutike.
 15. Simplex obseruatio morbi et criseos levantis, ac intellecta vis plantarum, *similes* istis crisibus effectus producens, primaevos induxit homines, ut in *simili* morbo, *similem* salutarem crisin, *simili* pharmaco excitarent. *Blumenbach introd. in hist. med. lit.* 1786.
 16. Naturae salutaria molimina, ante Sam. Hahnemann, sibi principium ambiguī honoris arrogantem (Vorrede zur 4ten Aufl. d. Organ. d. Homoeopathik), iam Asklepiades Bithynus et Themison Laodicenus negarunt.
 17. Medicus philosophus *ἰσόθεος*. etc. *Hippocr. de dec. orn.*
 18. Felix et celeber medicus non etiam semper bonus haberi potest.
-

